



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. XXXVII. Cap. 5. & 11. de Filiis Prebyteror.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

casus occurrere, in quibus Coadjutoria Episcopatus sunt necessarie: quandò v. g. senectute, aut morbo Episcopi sunt incapaces munerum suorum gravissimorum, & fieri potest, ut nemo ad eos adjuvandos idoneus reperiatur, nisi successio promittatur. Porro, hæc necessitas est iusta dispensationis causa, & non occurrit in aliis Ecclesiarum Cathedralium Beneficiis; nam si Canonicus ad munera sua ineptus fiat, ceteri ejus defecūt supplēt: præterea ipsius munera levissima sunt respectu officii Episcopalis, cui plurimorum Ecclesiarum regimen vulgo commissum est, & credita ad ministratio duorum Sacramentorum, quæ nullus conferre potest sine caractere Episcopali.

Cæteras observationes Autoris adversus Coadjutorias à Jure non permittas attingere nec possumus nec debemus: adjiciemus tamen, quod, cum sibi objecisset, eas bonum insigne parere, numerum Ministrorum augendo; respondet, illud bonum compensare non posse tot mala ex iis orta; 2. cas dari junioribus Clericis nullā virtute commendatis, quoniam ii, qui sunt provectionis etatis, eas negligunt, loca expectantes meliora, sive ratione honoris, sive ratione emolumenti ad tempus præsens; in quo sunt inferiores Servitoris, qui aliquo habent redditus, Coadjutoria autem honorario carent, Coadjutoremque discretioni & voluntati Coadjuti subjiciunt, quoad munera, cum ille nihil sine hujus permissione facere possit. 3. Coadjutoria non sunt in usu apud Germanos, quia Concordato Germanico contraria sunt. 4. Ex potestate absoluta, quæ Regulas vulgares superat & vocatur plenitudo potestatis, dūntaxat Pontifex concedere potest Coadjutorias, ad Beneficia inferiora Episcopatibus & Abbatiis. num. 84. Autor fūse loquitur de hac potestate in cap. 6. de Cleric. agrot. maximè à num. 72. usque ad finem. 5. Quamvis Concilium Expectatiwas prohibuerit, Pontifex hodiè quasdam concedit, quæ effectum fortiuntur, num. 84. idque absque expressa derogatione Concilio.

## CAPUT XXXVI.

## Caput IO. de Cohabitatione Clericorum &amp; Mulierum.

**G**REGORIUS IX. hic docet, licere communica-re cum Sacerdote, qui peccato mortali irretitus est, quamdiu crimen ejus occultum est, quia tunc suspensus est tantum pro se, et non pro ceteris; sed secus esse, si delictum ejus publicum sit, aut notorium, sive sententiæ, sive confessione in Jure, aut evidentiæ rei, quæ nulla tergivergatione tegi potest. FAGNANUS expōnit hunc Textum, discutit, an Sacerdos suspensus solum pro se, fiat Irregularis celebrazione Missæ, aut exercitio aliorum munerum scrorum, probatque non fieri, nisi crimen ejus ex iis sit, quæ Irregularitatē importent, velut homicidium, & quæ proinde suspendunt omnino ab illis munib⁹. Quarit, an cap. 14. Sess. XXV. de Reform. aliquid circa hoc immutaverit? & responder negati-vè, nisi ejus Decretum exequendo contraria Concubinarios, lata fuerit suspensio aduersus eos; & suam responsonem confirmat Decreto Congregationis.

## CAPUT XXXVII.

## Capit 5. &amp; II. de Filii Presbyterorum.

**A**LEXANDER III. à Presbytero edoctus, Episcopum collato ipsi Sacerdotio sub Titulo Capellæ, eam ipsi abstulisse, quia didicerat, ipsius Patrem de-servisse Ecclesie in quæ erat, præcipit huic Episcopo, ut eam Capellam ipsi restitueret in perpetuum, posito quod hanc circumstantiam novisset Ordinationis tempore; sin autem ignorasset, id præstaret ad tem-

Tom. I.

pus, & donec ipsi in alia Ecclesia dedisset, unde vic-tum posset habere. FAGNANUS, in hoc cap. num. 19. querit, an Concilium Tridentinum illud abrogaverit cap. 15. Sess. XXV. & responder, abrogavisse juxta declarationem, quam deinceps refert, quæ dicitur, collationem Beneficii factam filio illegitimo nullam esse ipso Jure, sed eo casu quo pro Titulo Ordinationis facta esset, concedi posse, ut illam retineat, modo alteri collata non fuerit. Responsio hæc & Decretum hoc menti Concilii congruent, quæ est, filium illegitimum nullum Beneficium possidere debere in Ecclesia, in quæ Pater ejus ministravit, ut memoria incontinentia Patris, quantum licebit, deleatur, nullamque circa hoc dandam esse dispen-sationem.

Idem Pontifex cap. 11. prohibet, ne Filii Presbyterorum possideant Ecclesiæ, quas Pater eorum rexerit, tanquam persona aut Vicarius, & si qui sint, in illo casu, jubet, ut removeantur ab illis Ecclesiæ, sive nati sint ante Sacerdotium, sive post. Finis Pontificis est extirpatio successionis hereditariæ in Beneficiis, & conservatio venerationis Clero debitæ remo-vendo memoriam incontinentia Clericorum, quæ Clerum totum in honore. Hic etiam FAGNANUS exponit cap. 11. Sess. XXV. factum ad labem hanc pro-pulsandam, nec non ad medendum corruptulæ istius successionis. In hac expositione observat sex differ-entias inter Jus Vetus & Jus Novum à Concilio con-fitutum erga spuriis, Ministrorum Sacrorum Filios, quoad Beneficia, & Officia quarundam Ecclesiarum; & proponit sex Quæstiones circa dispositionem Con-cilii erga illos spurios. Referemus tantum ea, quæ extrā dubium nobis videntur, & sunt alicuius momenti.

**P**rimum discriminem est, quod Jus Vetus disertè tantum loquatur de spuriis Presbyterorum, quoad hoc argumentum: Concilium autem Tridentinum no-minatim loquitur de spuriis Clericorum. Ejus itaque Lex continet genus & species; Jus autem Vetus unam tantum exp̄ressè speciem.

2. Jus Vetus prohibit solum successionem imme-diata spuriorum Patri suo; Jus autem Novum prohi-bitionem extendit ad successionem mediatam.

3. Jus Vetus filio illegitimo concedit, ut serviat Vicario, & quasi Vicarius officialis amovibilis & tem-poralis, in Ecclesia, in qua Pater ejus Beneficiatus est, aut fuit; Jus autem Novum ipsi quocumque servi-tum interdicit in eadē Ecclesiâ.

4. Jure Veteri Filius illegitimus in Titulum posside-re valet Ecclesiam, in quæ Pater merus Officialis est, vel ibi habere Beneficium, Jure autem novo id non licet.

5. Jure Veteri Filius illegitimus Pensiones possidere poterat super Beneficio Patris sui; nequit autem Jure Novo. Et hæc sufficient quoad Observations: trans-eundum est ad Quæstiones.

Quarit Autor 1. an Pater, qui habet facultatem transferendi Pensiones, quas habet suprà Beneficia, ad quæ præsentatus fuerat, & quorum institutionem non acceperat, possit eas transferre spuri Filio suo, quocum dispensatum est, ut habeat Pensiones & Be-neficia? & responder posse; quia Concilium, quod eum excludit à Pensionibus super Beneficium Patris, loquitur de Beneficio, quod Pater habuit in Titulum: hæc autem exclusio est res odiofa, & consequenter ad casum exp̄ressum restringenda. Responsonem suam confirmat Declaratione Congregationis ipsi consonâ. Ratio Decreti Concilii contraria videtur illi Decisioni; hæc enim ratio est votum longius removendi memo-riam incontinentia Patris; translatio autem Pensionis Ecclesiasticae à Patre possesse in Filii favorem, hanc memoriam revocat & foget. Quarit 2. an Filius illegi-timus possit habere Beneficium in Ecclesiâ, in qua Pa-ter habuit Præbendas, quarum Titulus in controver-siam adductus est, & quas abdicavit nullo servitio pres.

præstito? respondet cum Congregatione, quod si Pater numquā harum Præbendarum possessionem accepit, aut per seipsum, aut per Procuratorem, Filius Beneficia habere potest in illa Ecclesiā; secūs, non potest. Futilis videtur hæc distinctione nisi in locis, de quibus agebatur, admittatur lis de Beneficio antè apprehensionem possessionis. Doctrinam suam de casu possessionis accepta confirmat alia ejusdem Congregationis Declaratione, quæ decidit, Concilium excludere Filiū illegitimum à Beneficio à Patre posse absque Titulo legitimo, & non pacificè.

Quærit 3. an Filius legitimatus sub Decreto Concilii continetur? responderet, Cardinalem ALCIATUM observavisse, Filium illum ex eorum numero esse, qui continentur sub Concilii prohibitione, scilicet, omnium, qui de Matrimonio legitimo nati non sunt, & ab illa decisione excipi casum, quo Filius Matrimonio subsequenti legitimatus fuit.

Quærit 4. an Filius illegitimus possidere possit Ecclesiam dependentem ab eā, quam possidet Pater ejus? & respondet cum Congregatione, posse, sive unita sit alteri, sive non, modò Pater in ea non ministraverit. Quærit 5. an juxta Decretum Concilii, Filius legitimus ex spurio natus, possit possidere Beneficium, quod Avus suus posedit? & responderet videri non posse; quoniam ratio Decreti illum excludit, scilicet, votum longius removendi memoriam incontinentiæ Patris: relatisque gestis plurimorum Confessuum Congregationis variis temporibus habitorum circa hoc argumentum, dicit, eam denique unanimi consensu mentem suam apernisse in gratiam Nepotis, ob multas rationes præcipue quia non ibi agitur de incontinentiæ paternæ.

Posset objici cap. 2. de verb. signific. quod docet, Avum contineri sub nomine Patris; sed respondentium est, casus odiosos excipi debere, in quibus extenso non habet locum.

Quærit 6. an, posita Declaratione prædicta, Filius legitimus spurius possit succedere Beneficio Avi Patris ejus spuri, vel habere Pensionem super illud Beneficium? & responderet, juxta illam, Nepoti licere utrumque, sed illa remota aliter sentiendum ob rationes, quas refert. Itaque, juxta illum ratio cedit autoritati non infallibili.

### TITULUS XXIII.

*Quenam sit autoritas DECRETORUM sive DECLARATIONUM, quas Cardinalium CONGREGATIONES ferunt; vim-ne Legis habent? Quo sunt ejusmodi Congregationes? In quo convenienter invicem, aut discrepant?*

Inter Opuscula circa Concilium Tridentinum istud collocamus, quia Congregatio hujus interpres est omnium dignitate prima.

FAGNANUS de his Congregationibus loquitur in capita 13. de Constitut. 14. de major. & obed. 12. de Judic. 7. de Statu Monach. 9. de Consecrat. Eccles. 7. ne Cleric. vel Monach. Circum illas fusius disputat in locis prioribus laudatis: quæ vero ibi ab illo dicuntur, nobis ad duplicitis hujus Questionis solutionem inservient; sed maximè ad priorem qua præcipua est; posterior enim duntaxat proponitur ut notæ fiant Congregationes, à quibus manant Declarationes præfatæ; ideoque à primâ inchoamus, velut ab eā, qua argumento nostro vicinior est.

Magna animorum contentione disceptatur inter Canonistas Ultramontanos, utrum hac Decreta seu Declarationes Canonicae Legis vim habeant? an vero sint tantum Decisiones Magistralis? Illi ipsi, qui putant, eas quibusdam in casibus Legis robur obtinere, de necessariis ad hoc conditionibus inter se non con-

fentient, promulgationem requirentibus aliis, aliis secūs. FAGNANUS questionem utramque prolixissimè tractat in cap. 13. de Constitut. ipse undecim Congregationibus fuit à Secretis, proindeque scire potuit earum sententiam, circùm autoritatem, quam sibi vindicant, sed quoniam hæc earum sententia in peculiari eorum negotio regula esse nequit, quippe, quæ præoccupationis suspicione vehementer laborebunt; idem fieri debet judicium de opinione istius Ministri, cui illarum exaltatio proderat, cùm ab hoc periculo nequivit eximere probitas ipsius, quo jam implicatus erat ob suam institutionem in zelo Pontificiæ Majestatis, atque eorum, quæ à Pontifice manant, dignitatem studiostissimum.

Nos autem hac prefatione non intendimus absterrere, à legendâ disputatione ejus in gratiam horum Decretorum, responsisque ejus ad objectiones, quibus imperitur autoritas Legis, quam Decretis iisdem tribuit. Collectio momentorum in utramque partem, & solutionum procul dubio utilis est, tam in hoc argumeto, quam in aliis. Verum optamus, ut legatur cum prudentiâ, necessariisque ad ferendum rectum judicium cautionibus. Optimè itaque erit prævidere, 1. Hic de Legibus Universalibus agi, quæ Fideles omnes astringant, quantum ad Religiōnem. Nulla res est majoris momenti, circùm quam Leges ferri possint.

2. Magnus est numerus Congregationum Cardinallium. Usque ad XV. instituit SIXTUS V. quarum singula Pontificis autoritatem exercent. Ferendarum Declarationum casus frequentissimi sunt; itaque, posito quod illæ vim Legis Universalis obtineant, terrenarum Potestatum augustissima vilior fieret; Leges in infinitum crescent & simul occasionses prævaricandi.

3. Sunt alia prærogativa minus insignes Pontificis personæ reservata, quæ numquā sine speciali clausula communicantur ipsis etiam Legatis à Latere, quorum officium amplissimum est. Cap. 4. de Offic. Legati.

4. Principes Supremi, quorum nullus tot subditis præfet, nemini concedunt jus ferendarum Legum Subditorum Universitatem ligantium. 5. Nulla afferatur Constitutio Pontificia, quæ expressè sit declaratum, Pontificem intendere & caovere, ut Congregationum Declarationes vim Legis Universalis fortiantur; quamvis opinionum varietas circa Declarationum earundem autoritatem eum non lateat; nec verò simile est, factum fuisse, ut à tam necessariâ Definitione abstineret, si vim Legis Universalis ejusmodi Declarationibus impetrare dignatus fuisset.

6. Leges vulgo Legislatoris nomine proponuntur; ipse in eis loquitur, & voluntatem suam diserte aperit: Declarationes Cardinalium Congregationis nomine feruntur.

Haec considerationes invicem concurrentes gravem adversus FAGNANI sententiam præsumptionem efficiunt, suntque probabiliter fundamentum opinonis contrariae à Celeberrimis Autoribus propugnatæ, quos laudat GONZALES n. 57. sui Apparatus, qui Commentarium ejus in DECRETALIS præcedit; ubi præterea, circa Secundam Questionem observat, eos, qui Declarationibus vim Legis Universalis in quibusdam casibus tribuunt, quatuor conditions requirent.

1. Ut in eis expressa mentio fiat, Pontificem consultum fuisse.

2. Ut ordinario Congregationis sigillo, quod idem est ac Praefecti ejus, muniantur, subscriptionibusque ejusdem Praefecti & Scriba; (hoc ab URBANO VIII. constitutum fuisse afferitur.)

3. Ut Declarationis limites non egreditantur, ita, ut nihil adjiciant, detrahant, aut diminuant ex Decreto Concilii.

4. Promulgata sint quemadmodum Leges, quibus promulgatio essentialis est. Multos, præterea, laudat Autores, fama non mediocri commendatos, qui de harum conditionum necessitate loquuntur. Secundam